

INUIT ATAQATIGIIT INATSIARTUNI



UPA2023/106
18. april 2023
Adam Kristensen

Puisit amiinik tunisassiornerup qanoq siuarsarneqarsinnaanera kiisalu suut qanorlu iliuutsit sineriapput tamakkerlugu puisit amiinik tunioraarnep siunissami qaffasissumiitittuarnissaanut iluaqutaasinnaanerat pillugu apeqquteqaat aallaavigalugu oqallinnissamik siunnersuut

(Inatsisartunut ilaasortaq Lars Poulsen, Siumut)

Oqaaseqaat:

Puisip amia qangaaniilli naggueqatigiit Inuit inuuniarnerannut pingaaruteqarsimaqaaq, tassami oqaluttuarisaanitsinnut pingaaruteqarnera matumani oqaatigisariaqarparput, atisarineqartarpoq, tuperineqartarpoq, qaannamut amerineqartarpoq, umiamut amerineqartarpoq, allarpassuarnullu atorneqartarluni. Inuit Ataqatigiinni arajussisimanngilarput isumaqarlutalu puisit amiinik tigooraasut pitsaannerusumik atungassaqartinneqartariaqartut taakuummata Nunatta ammeriviata ingerlaannarnissaanik toqqammaviliisut.

Puisip amia nunatsinni inuuniutaavoq pinngitsoorneqarsinnaanngitsaq, pingaartumik isorliunerusuni amiinnarnik tunisaqarfiusuni amernik tigooraasut annertuumik suliaqartarput, ammip tinguneqartup Nunatta ammeriviani pitsaasumik nalilernerneqarnissaa siunertarlugu, taamaammat puisit amiinik tigooraasut atungaata pitsanngorsarneqassappata timitaliinissaq pisariaqalerpoq.

Ilisimavarput puisit amiinik tigooraasut ingerlaannaq akilernerneqartanngitsut imaluunniit akissarsisinnerneqartanngitsut, tamannalu atungarliortitsimmat allaat ilaatigut qaammatit arfinillit angullugit utaqqisoqartarluni, taamattaq ilisimavarput puisit amii tunisassiat ingerlaannaq Nunatta ammerivianut nassiunneqarsinaasannginnerat pingaartunik sikusartuni ukiuutilillugu.

Qerititsiveerannuanik nalinnaasunik atuinerup kingunerisaanik ulikkaartoornikkut puisit amiinik tigooraaneq unittooqqasarmat tamanna piniartunut inuuniarnikkut aningaasarsiornikkullu equsoortitsisarpoq, taamatullu aamma Nunatta ammeriviata puisit amii pisiassaraluanii annaasarpai taamatut initsittarneq allannortilluinnartariaqarpoq, Nunatta

INUIT ATAQATIGIIT INATSIARTUNI



ammeriviata ataavartumik puisit amiinik pisiortornissaa aqquutissiuutariaqalerpoq.

Puisit amiinik tunisassiornerup unituunnginnissaa siunertaralugu qerititsiviit anginerusut pisariaqartitsinerusuni pilersiertorneqarsinnaappata iluassangaluaqaaq, tamannali aningaasamik naleqartussaavoq taamaammat tulleriaarineq atorlugu aningaasaliinikkut puisit amiinik tunisassiornerup ingerlaannarnissaa qulakkearniarneqarsinnaavoq.

Namminersorlutik Oqatussat arlalinnik siunnersorteqarput taamatullu aamma Kommunit inuutissarsiornermut siunnersorteqarlutik, puisit amiinik tunisassiornermi ajornartorsiutit ilisimaneqarput sooruna taakkua siunnersortit allaffimmi isiatinnarnagit sulitinnianngikkigut, Nunatta ammerivia suleqatingalugu qinikkanut siunnersuuteqarsinnaapput aaqqiissutissanik, tamanna puisit amiinik inuuniuteqartut inuiaqatigiillu pisariaqartippaat.

Puisit amiinik tunisassiornerup ataavarnerusumik ingerlanissaa siunertaralugu makkua aamma aqquusaangassatut innersuussutigisinnaavagut aperineqarsinnaasut, KNI Pilersuisoq puisit amiinik tigooraanermut misileerusunnginersoq? Appaattut Kommune niuernertaa eqqartoqqaanngikkaluarlugu puisit amiinik tigooraanermik misileerusunnginnersoq?

Puisit amiinik piariikkanik aasakkut umiarsuakkut nassiussuisoqartarpoq, ajornartorsiutit annerpaat ilangisarpaat ukiuunerani allamik periarfissaqarneq ajormat, timmisartuaraq qulimiguulik kisimi periarfissaasarpoq, periarfissarli taanna annikitsuinnarmik atorneqartarpoq akisoorujussuunera pequtaalluni, allatut aaqquissuussisoqarsinnaappat soorlu mamaq fragtimut eqqaanartumik akikinnerusinnaasumik aamma nunaqarfinnut atuuttussamik immaqa oqilisaataasinnaassangaluartoq.

Ukiut arlalinngorput Inatsisartut eqqartoraat puisit amiinut tunngasut, Inuit Ataqatigiinniit Inatsisartut suleqatiseraatsigit puisit amiinik tunisassiorneq pillugu, susasaqartunik sulisitsinermut peqataatitsisa maani Inatsisartut oqaluttarfiatigut oqaluuseriinaraluarutsigit angusaqarnavianngilagut suliamik aallartitsinngikkutta.